

## Z A P I S N I K

sa dvadeset pete sjednice Školskog odbora JU OŠ „Hilmi ef. Šarić“ Tarčin održane 08.04. 2024. godine sa početkom u 14,00 sati

Prisutni : Džeko Šefkija predsjednik, te članovi : Ramić Meliha, Fišo Amela i Keško Muharem;

Odsutni:

Prisutni ispred uprave škole: direktor, pomoćnik direktora, samostalni referent za plan i analizu i sekretar škole,

Za sjednicu predložen sljedeći dnevni red:

- 1 Usvajanje zapisnika sa prethodne sjednice,
2. Odluka o utvrđivanju konačne rang-liste radnika (tabela 3 i 4),
3. Usvajanje liste kadrovskih potreba ustanove za radnicima za školsku 2024/2025. godinu
4. Razmatranje i usvajanje Izmjena i dopuna Plana nabavki- za 2024. godinu, investiciono održavanje kabineta Biologije, Hemije i Fizike
5. Donošenje Odluke o pokretanju postupka javne nabavke za investiciono održavanje kabineta
6. Razmatranje i usvajanje Izmjena i dopuna Pravilnika o radu.
7. Razmatranje i usvajanje Izvještaja o redovnom popisu za 2023. godinu,
8. Razmatranje i usvajanje Godišnjeg obračuna za 2023. godinu,
9. Donošenje Finansijskog plana za 2024. godinu,
10. Tekuća pitanja

Dnevni red je jednoglasno usvojen.

AD 1.

Zapisnik sa prethodne sjednice jednoglasno je usvojen.

AD 2.

Sekretar škole upoznao je Školski odbor škole da je Komisija za zbrinjavanje radnika ustanove za čijim je radom potpuno ili djelimično prestala potreba u ustanovi održanoj dana 20.03.2024. godine dostavila Školskom odboru potrebnu tabelu. Komisija je na osnovu člana 11. stav (7) tačka c) Pravilnika sa kriterijima za proglašavanje radnika za čijim radom je potpuno ili djelimično prestala potreba u osnovnim i srednjim školama kao javnim ustanovama na području Kantona Sarajevo, u konsultaciji sa direktorom škole, konstatovala da u školskoj 2024/2025. godini nema radnika za čijim radom je djelimično ili potpuno prestala potreba. Komisija je izradila konačnu rang-listu (tabela 3) i zbirnu listu radnika s nepunom nastavnom normom/radnim vremenom koji su u radno-pravnom statusu na neodređeno vrijeme (tabela 4) i iste dostavila Školskom odboru na dalje postupanje.

Na osnovu člana 12. Pravilnika sa kriterijima za proglašavanje radnika za čijim radom je potpuno ili djelimično prestala potreba u osnovnim i srednjim školama kao javnim ustanovama na području Kantona Sarajevo („Sl. Novine Kantona Sarajevo“ br.9/22), Školski odbor JU OŠ „Hilmi ef. Šarić“ Tarčin jednoglasno donosi **Odluku** o utvrđivanju konačne rang-liste radnika (tabela 3) i zbirne liste radnika s nepunom nastavnom normom/radnim vremenom koji su u radno- pravnom statusu na neodređeno vrijeme (tabela 4) u školskoj 2024/2025. godini.

Konačna rang lista (tabela 3) i zbirna lista radnika s nepunom nastavnom normom- neodređeno vrijeme (tabela 4) čini sastavni dio ove Odluke.

#### AD 3.

Direktor škole upoznao je Školski odbor o Kadrovskim potrebama za radnicima za školsku 2024/2025 godinu (prilog tabela 5) . Komisija za zbrinjavanje radnika ustanove za čijim je radom potpuno ili djelimično prestala potreba u ustanovi je zajedno sa direktorom škole uradila Prijedlog –Listu kadrovskih potreba ustanove za školsku 2024/2025. godinu.

Školski odbor usvojio je Listu Kadrovskih potreba ustanove za radnicima za školsku 2024/2025. godinu (tabela 5).

#### AD 4.

Direktor škole informisao je odbor da je Ministarstvo za odgoj i obrazovanje svojim aktom broj: 11-07/01-11-8811-31 od 13.03.2024. godine, predmet: Investiciono održavanje i opremanje kabineta Biologije, Hemije i Fizike. Podaci dobijeni analizom postojećeg stanja prostora i instalacija, te postojeće opreme upoređeni su sa Pedagoškim standardima i općim normativima radnog prostora, opreme, nastavnih sredstava i učila po predmetima za osnovnu školu („Službene novine Kantona Sarajevo“, broj: 30/18, 9/22, 20/22 i 23/23) i zakonima, te u zavisnosti od ukazanih potreba izrađeni su predmjeri za potrebe radova i nabavku opreme.

Nama su odobrene sredstva u iznosu od 37.000 KM za investiciono održavanje kabineta Biologije, Hemije i Fizike, kao i sredstva u iznosu od 100.000 KM za nabavku opreme. Dobili smo projekat za našu školu.

U cilju realizacije odobrenih sredstava potrebno je sprovesti postupke u skladu sa članom 17. i ostalim odredbama Zakona o javnim nabavkama („Sl. Novine FBiH“ br. 39/14 i 59/22). Mi trebamo sprovesti postupke a Ministarstvo za odgoj i obrazovanje će izvršiti plaćanje.

Školski odbor je jednoglasno usvojio Izmjene i dopune Plana nabavki za 2024. godinu, Investiciono održavanje i opremanje kabineta Biologije, Hemije i Fizike.

#### AD 5.

Sekretar škole upoznao je Školski odbor da nam je prvi zadatak da pripremimo kabinete kako bi mogli nabaviti opremu (voda, el energije, pod i dr) .Za tu namjenu odobrena su sredstva u iznosu od 37.000 KM za investiciono održavanje kabineta.

Jednoglasno je donesena Odluka o pokretanju konkurentskog zahtjeva za investiciono održavanje kabineta za 2024. godinu u iznosu od 37.000 KM.

U Komisiju za pokretanje postupka imenuju se:

1. Vesim Šehić- predsjednik,
2. Mediha Kalem- član,
3. Edin Kazazović- član i
4. Mirsad Tufo sekretar komisije.

AD 6.

Sekretar škole upoznao je Školski odbor da je usvajanjem Pedagoških standarda i normativa za osnovni odgoj i obrazovanje i normativa radnog prostora, opreme, nastavnih sredstava i učila za osnovnu školu, („Službene novine Kantona Sarajevo“ broj:10/24) od 14.03.2024. godine, potrebno uskladiti akte sa ovim standardima, Prijedlog Pravilnika o radu vam je dostavljen ranije na uvid.

Dana 04.04.2024. godine uputili smo dopis Sindikalnom povjereniku škole gdje smo tražili Saglasnost na Prijedlog Pravilnika o radu. Sindikalni povjerenik je predložio da Školski odbor JU OŠ „Hilmi ef. Šarić“ Tarčin odbije predloženi Pravilnik.

Jednoglasno je donesena Odluka Prijedlog Pravilnika o izmjenama i dopunama Pravilnika o radu protokolirana pod brojem: 01-1-210/24 od 08.04.2024. godine, treba odložiti za neku narednu sjednicu.

AD 7.

Samostalni referent za plan i analizu podnijela je Izvještaj Školskom odboru o izvršenom popisu sredstava, potraživanja i obaveza za 2023. godinu. Komisija je radila u sastavu Kalem Mediha, Tubok Fahro i Mirsad Tufo. Komisija je obavila pripremne radnje i blagovremeno izvršila popis sredstava, potraživanja i obaveza na dan 31.12.2023. godine u skladu sa Upustvom br. 08-11-48585/23, od 29.11.2023. g. i Pravilnikom o kriterijima za rashodovanje, otpis, knjiženje viškova i manjkova stalnih sredstava i sitnog inventara i otpis potraživanja br. 08-01-49-25886/04 od 30.11.2004. godine.

Izvještaj o izvršenom popisu sredstava, potraživanja i obaveza za 2023. godinu, jednoglasno je usvojen od strane Školskog odbora.

AD 8.

Samostalni referent za plan i analizu upoznao je Školski odbor sa Izvještajem o Godišnjem obračunu JU Osnovne škole „Hilmi ef. Šarić“ Tarčin. U uvodnom dijelu Godišnjeg obračuna za 2023. godinu članovi odbora su upoznat sa Zakonskim propisima vezanim za računovodstvo i trezorsko poslovanje kojih se ustanova mora pridržavati i na osnovu istih poslovati.

U analizi troškova navedeno je zašto je sve trebalo obezbjediti sredstva, kao i osvrt na ostvarenje troškova poslovanja u 2023. godini. Utvrđena su i stalna sredstva na poziciji bilans stanja kao i knjigovodstvena vrijednost istih.

Završni račun za 2023. godinu, urađen i predat u propisanom zakonskom roku nadležnim institucijama. Bruto bilans, Programski rezultati i Periodično izvještavanje (obraci) je uredno urađeno i predato Ministarstvu finansija Kantona Sarajevo u zakonskom roku.

Školski odbor škole jednoglasno je usvojio Izvještaj o Godišnjem obračunu za 2023. godinu.

4.

AD 9.

Direktora škole upoznao je Školski odbor o Finansijskom planu za 2024. godinu. Prema predstojećem budžetu urađen je finansijski plan za 2024. godinu. Ukoliko bude rebalans Kantona Sarajevo za 2024 godinu tada ćemo proširiti postojeće stavke na kojima nedostaju sredstva.

Školski odbor je jednoglasno usvojio Finansijski plan za 2024. godinu.

Sjednica završena u 16,00 sati.

MIŠAD FURIC

PREDSJEDNIK ŠKOLSKOG ODBORA  
ZERO SEKIJA